

Leu^ yu_ pui_ tu_ lo_ ja_

You Need To Choose The Right Things



Lahu

Leu^ yu_ pui_ tu_ lo_ ja^

You Need To Choose The Right Things

Bvuh_ pa_ - Lu^ di_
Aw_ han saweh^ pa_ - Ai_ Yawn^ Kap^
Chaw ceu_ - La^ hu_
Yan_ ve - Aw^ law^ te^ paw^ yan_ ve
Aw_ nyi - 2023 hk'aw_ July ha pa

Author - Lu Di
Illustrator - Ai Yawn Kap
Language - Lahu
Edition - Test Edition
Date - July, 2023

Lahu
Myanmar

Copyright © 2023, Northern Shan Lahu Literacy Group



<http://creativecommons.org/licenses/by-nc/4.0/>

You may not use this work for commercial purposes. You may adapt and add to this work. You must keep the copyright and credits for authors, illustrators, etc.



Te^ˇ paw[^] hta^ˇ , aw_ˇ chaw^ˇ hpeh_^ da_^ ja^ˇ
ve Na me_ˇ , Na hti^ˇ , Ca_ˇda_^ sheh[^] g'a^ˇ caw_ˇ
ve ce^ˇ . Yaw^ˇ hui sheh[^] g'a^ˇ leh_ˇ a sha_^ i hta^ˇ
ka_^ tan_ˇ leh aw_ˇ chaw^ˇ hpeh_^ da_^ ja^ˇ ve ce^ˇ .

Yaw^ˇ hui sheh[^] g'a^ˇ k'ai te^ˇ geh , ca^ˇ tu_ˇ
caw_ˇ k'o ka_^ te^ˇ geh peh_ˇ ca^ˇ da_^ ve , haw₋
da_^ pui⁻ ve aw_ˇ chaw^ˇ sheh[^] g'a^ˇ ce^ˇ .

sa₋la_^ , aw_ˇ pa aw_ˇ e hkaw^ˇ ka_^ na yu_ˇ
pui⁻-a_ˇ , li_^ ka_^ cheun_ˇ pui⁻-a_ˇ ce^ˇ .

Ya_∧ hk'a^ˇ, Ca_∧da_∧ ve aw_∧ pa aw_∧ e te^ˇ ca
ma^ˇ haw_∧ da_∧ pui⁻ ce^ˇ. Te^ˇ hkui te^ˇ hkui ya_∧
da_∧ hk'eh ja^ˇ leh Ca_∧da_∧ a⁻ hk'aw tcuh⁻
tcuh₋ ma^ˇ cheh^ˇ ga^ˇ ce^ˇ. Aw_∧ chaw^ˇ Na me_∧
leh Na hti^ˇ yeh_∧ hk'aw ca gui^ˇ k'o aw_∧ pa
aw_∧ e hui ca₋ pi^ˇ, taw pi^ˇ, g'a ga ha_∧ sha⁻
leh aw_∧ g'a^ˇ pi^ˇ cheh^ˇ ve ce^ˇ.

Ca_∧da_∧ ve aw_∧ pa tzuh_∧ daw_∧ bvuh[^] hk'a
la k'o, yeh_∧ ya^ˇ k'a ya^ˇ hui hta_∧, maw_∧ ve
chaw hta_∧ ya_∧ mui^ˇ ca ve ce^ˇ. Aw_∧ mi^ˇ ma
hta_∧ de^ˇ ve, daw[^] ve ka_∧ lai⁻ paw[^] yo_∧ ce^ˇ.
Ca_∧da_∧ aw_∧ pa ve ta^ˇ he_∧ hta_∧ ya^ˇ pa₋ nyi ma
lu_∧ ja^ˇ ce^ˇ.

Te^ˇ ha⁻, Ca_∧da_∧ aw_∧ pa tzuh_∧ bvuh[^]
k'aw_∧ la leh aw_∧ e leh de^ˇ da_∧ ve aw_∧ hkaw^ˇ
bvuh_∧ ja^ˇ ce^ˇ. Aw_∧ pa, aw_∧ e ve o⁻ k'o₋
hta_∧ daw[^] pi^ˇ ve suh₋ sho^ˇ-eh₋ ya_∧ la ve ce^ˇ.
Aw_∧ pa^ˇ aw_∧ kui chaw g'ui^ˇ la_∧ leh g'a k'aw_∧
hka ve, Ca_∧da_∧ aw_∧ e hta_∧ na^ˇ tsuh^ˇ yeh_∧ lo
ha[^] ha[^] shi₋ k'ai ve ce^ˇ.

Na[^] tsuh^ˇ yeh^ˇ ga^ˇ leh o⁻ k'o⁻ hta[^] aw^ˇ
hk'e g'a taw⁻ keu ve ce^ˇ. Ca^ˇda[^] aw^ˇ e nyi
ma na^ˇ ja^ˇ leh Ca^ˇda[^] aw^ˇ pa hta[^] ma^ˇ
paw^ˇ ga^ˇ-o ba^ˇ da[^]-a yo^ˇ k'o[^] ve ce^ˇ. G'a
hkan⁻ ve aw^ˇ paw[^] ma^ˇ ja^ˇ leh la[^] to[^] hta^ˇ
tcuh ka⁻ te la^ˇ pa⁻ hui hta[^] ca k'o[^] pi^ˇ ve ce^ˇ.

Te^ˇ geh jeh^ˇ da[^] ve , yaw^ˇ hui ma^ˇ paw^ˇ
da[^] g'a-o ve pa taw nu^ˇ, aw⁻ k'a⁻, ti mi , heh
hta[^] peh^ˇ pi^ˇ ve ce^ˇ.

Ca^ˇda[^] leh aw^ˇ pa aw^ˇ e ba^ˇ da[^]-o^ˇ ve
pa taw te^ˇ hpaw^ˇ-eh⁻ ka[^] ma^ˇ cheh^ˇ ce^ˇ.
Yaw^ˇ kan⁻ te pui⁻ ve ya^ˇ neh^ˇ yeh^ˇ hpeh[^]
la-o ve pa taw aw^ˇ chaw^ˇ Na Me^ˇ leh Na
Hti^ˇ geh cheh^ˇ leh li[^] hen^ˇ ve ce^ˇ.

Na me^ˇ leh Na hti^ˇ aw^ˇ pa aw^ˇ e ka[^] daw^ˇ
shi⁻ pui⁻ ve pa taw ga g'a ve hk'e ga leh aw^ˇ
g'a^ˇ pi^ˇ ve ce^ˇ.

Te^ˇ nyi hta^ˇ, Ca^ˇda[^] ve sa⁻la[^] ma a⁻
hk'aw te tu^ˇ " Ha leh^ˇ ve yeh^ˇ k'a " aw^ˇ lawn
bvuh[^] la^ˇ tcuh ve ce^ˇ.

Ca_↓da_↗ yaw[✓] ve yeh_↓ ma[✓] ha leh_↓ g'a ve
pa taw sa_↓la_↗ ma hta_↗ ca hto pi[✓] ve ce[✓].

Sa_↓la_↗ ma Ca_↓da_↗ hta_↗ na g'a pi[✓] leh ha k'a⁻
ve hk'aw aw_↓ g'a[✓] k'aw_↗ pi[✓] ve ce[✓].

Ca_↓da_↗ ka_↗ ya[✓] neh_↓ ve aw_↓ yan[✓] ga_↓ la
peu_↓. Ya[✓] neh_↓ ve aw_↓ yan[✓] ha leh_↓ tu_↓ lai⁻
ceu_↓ taw[^] la ve ma[✓] ja[✓]. Hk'a[^] hk'aw ya[✓]
neh_↓ hui pi-aw_↓ ve hta_↗ leu[^] yu_↓ ma[✓] ve
ce[✓]. Ca_↓da_↗ leh_↓ cu[✓] yi_↓ ka_↗ cheun_↓ leh , la_↗
leh⁻ ve pa taw pi-aw_↓ ve aw_↓ hk'a[✓] suh ma[✓]
k'ai , ma[✓] leu[^] yu_↓ ce[✓]. Kan⁻ da_↗ ve hta_↗
leu[^] yu_↓ pui⁻ ve pa taw a sha_↗ hu tu_↓ kan⁻
da_↗ ve hta_↗ g'a peu_↓ ce[✓].

Ca_↓da_↗ g'a ve g'a[✓] hpfuh[✓] hta_↗ peh_↓ leh
yaw[✓] hta_↗ ga la[✓] ve Na me_↓ , Na hti[✓] aw_↓ pa
aw_↓ e leh ba_↓ da_↗ ta_↓ ve yaw[✓] aw_↓ pa aw_↓ e
hui hta_↗ ka_↗ k'aw_↗ ga pi[✓] ve ce[✓]. Bon shi_↓
pui⁻ ve Ca_↓da_↗ hta_↗ Na me_↓ leh Na hti[✓] aw_↓
pa aw_↓ e hui " Bon ui_↓ ja[✓]" teh_↗ k'o[^] pi[✓] ve
ce[✓].

Na me_~ leh Na hti[~] li_^ awn₋ peu_~
htaw[~] a_~ hto_^ ma kan⁻ g'a te tu_~ leu[^] ma[~] g'a
she₋ ce[~]. Na me_~ leh_~ li_^ ma₋ ve sa₋la_^ ma
kan⁻ hta_^ leu[^] yu_~ leh te hk'a ve yo_~ ce[~]. Li_^
ma₋ cheun_~ ve te[~] g'a[~] hpeh_^ la leh ya[~] eh⁻
hui ka_^ ha leh_~ ve hk'aw li_^ g'a hen[~] ve , li_^
shi₋ ve ya[~] eh⁻ ma[~] la ve ce[~].

Ca_~da_^ ka_^ Na me_~ ve cawn[~] yeh_~ ya[~]
eh⁻ hui ha₋ g'aw[~] ja[~]ve , ma[~] ga g'a ve ya[~]
eh⁻ hui hta_^ li_^ k'o[^] hpfuh[~] g'a k'aw_^ ga pi[~]
cheh[~] ve ce[~].

Na hti[~] leh_~ ya[~] neh_~ hui hpu ma[~] ma[~]
g'a tu_~ ca k'ai ve aw_~ hk'a[~] suh g'a_^ k'ai tu_~
ti⁻daw[~] nyi cheh[~] ve ce[~]. Te[~] nyi , aw_~ pa
aw_~ e hta_^ hpa[^] da_^ ta⁻ leh aw_~ nu ve mvuh[~]
mi_~ lo aw_~ chaw[~] hui aw_~ hk'a[~] suh₋ hpu ca
k'ai ve ce[~]. Shu mvuh[~] mi_~ ga_~ hta[~] , yaw[~]
aw_~ pa[~] maw_~ cheh[~] ve ha leh_~ tu_~ , nyi
hk'a[~] suh tu_~ hta_^ g'a_^ ca ve ce[~].

A shu yaw^ˇ aw_ˇ to hta_ˆ aw_ˇ hpfuh^ˇ ma^ˇ
teh ce^ˇ. Chaw ha⁻ ma[^] ve , te^ˇ tcuh⁻ te^ˇ g'a^ˇ
shi₋ da_ˆ to^ˇ ve , te^ˇ geh ca^ˇ ve, te^ˇ geh zuh_ˆ
ve ce^ˇ. Chi beu_ˆ shu mvuh^ˇ mi_ˇ kan⁻ ca te
ca^ˇ pa₋ ka_ˆ ma^ˇ la-o_ˇ ve pa taw te^ˇ ca⁻ peu_ˇ
te^ˇ ca⁻ sha tan^ˇ pi^ˇ da_ˆ ve ce^ˇ.

Na hti^ˇ te cheh^ˇ ve aw_ˇ lawn hk'a[^] hk'aw^ˇ
chaw hui te^ˇ ca⁻ peu_ˇ te^ˇ ca⁻ g'a ka^ˇ leh k'o[^]
gui^ˇ, g'ui_ˇ gui^ˇ cheh^ˇ ve ce^ˇ.

Aw_ˇ pa aw_ˇ e hui ka_ˆ g'a ka^ˇ ve te^ˇ yan^ˇ
Na Hti^ˇ hta_ˆ k'aw_ˆ la tu_ˇ ku_ˇ pi^ˇ ve ce^ˇ. Na
hti^ˇ k'aw_ˆ ga_ˇ la ve ma^ˇ maw maw ga_ˇ leh
na_ˇ ve ce^ˇ. Aw_ˇ chaw^ˇ Na me_ˇ ca nyi leh na[^]
tsuh^ˇ yeh_ˇ ca ma₋ nyi tu_ˇ aw_ˇ g'a^ˇ pi^ˇ ve
ce^ˇ.

Na hti^ˇ aw_ˇ pa aw_ˇ e ka_ˆ ya^ˇ mi^ˇ na_ˇ ve
ja^ˇ la leh Na me_ˇ hta_ˆ, " Na[^] tsuh^ˇ yeh_ˇ a
ci⁻ ca ma₋ pi^ˇ-a nyi " teh_ˆ k'o[^] pi^ˇ ve ce^ˇ.

Na hti^ˇ hta_∧ hk'a deh_∧ ca teh[^] nyi ve ,
AIDS k'o[^] ve lo^ˇe_∧ a na_┒ hpeh_∧ ve law ce^ˇ.
Na me_┒ Na hti^ˇ ve aw_┒ pa aw_┒ e hta_∧ k'o[^] pi^ˇ
tu_┒ ha k'a[┒] ve k'o[^] ka_∧ k'o[^] ma^ˇ ha[^] teh_┒ yo_┒
ce^ˇ .

Aw_┒ chaw^ˇ Na me_┒ Na hti^ˇ hta_∧,
" Aw_┒ chaw^ˇ-o_┒ nyi ma gaw_┒ leh_┒ ta_┒
meh_┒. Naw_┒ ve a na_┒ na[^] tsuh^ˇ hk'a deh_∧ gu
k'o, naw_┒ k'aw_∧ cheh^ˇ sha la tu_┒ yo_┒" teh_∧
sa_┒ la_∧ g'on_┒ k'o[^] la^ˇ ve aw_┒ lawn aw_┒ g'a pi^ˇ
ve ce^ˇ. Nyi ma ma^ˇ g'a lu_┒ tu_┒ aw_┒ ce_┒ hk'a
deh_∧ te pi^ˇ ve ce^ˇ.

Nyi ma a lo_┒ g'a_∧ leh ta^ˇ pi-aw_┒ te ta[┒] ve
aw_┒ bon chi hk'e a na_┒ g'a ve law teh_∧ Na hti^ˇ
shi_┒ la ve ce^ˇ.

Na hti^ˇ cu^ˇ yi_┒ li_∧ tan^ˇ ui_┒ ve , g'a ta_┒
htaw^ˇ hpu ma^ˇ ma^ˇ yeh^ˇ ga^ˇ ve nyi ma taw[^]
la ve pa taw , shu te ve hk'e g'a_∧ te ta[┒] ve hta_∧
daw^ˇ hpfuh[^] la ve ce^ˇ.

Na hti^ˇ daw^ˇ hpfuh[^] ve aw_┒ yan^ˇ leh_┒
AIDS k'o[^] ve a na_┒ g'a peu_┒ ce^ˇ.

Na hti^ˇ yaw^ˇ te ya_ˆ ve pa taw a na₋ g'a
ve aw_˘ pa aw_˘ e hta_ˆ yaw^ˇ aw_˘ to k'o^ˆ ma₋
leh ven^ˇ ba^ˆ hpeh^ˇ la^ˇ tu_˘ law_˘ hkaw⁻ pi^ˇ ve
ce^ˇ.

Aw_˘ pa aw_˘ e meh^ˆ g'ui_˘ ya_ˆ ve ce^ˇ. Ya^ˇ
mi^ˇ hta_ˆ ka_ˆ ha k'a⁻ ve ce^ˇ. " Hk'aw₋ law^ˇ
kui^ˇ ba^ˆ g'aw^ˆ ba_˘ na leh ma^ˇ na yu_˘ pui⁻ ve
ya^ˇ hta_ˆ g'aw^ˆ ba_˘ ma^ˇ na " k'o^ˆ ve chaw
maw^ˇ taw^ˇ hkaw^ˇ caw_˘ ve chi yo_˘ la^ˇ ce^ˇ.

Na hti^ˇ a ci⁻ cheh^ˇ sha la hta^ˇ, hk'a^ˆ
hk'aw cheh^ˇ ve ya^ˇ neh_˘ hui hta_ˆ cu^ˇ yi₋ pi^ˇ
tu_˘ gu hehn^ˇ ve ce^ˇ. Te^ˇ nyi aw_˘ yan^ˇ yu_˘
leh ya^ˇ neh_˘ hui yaw^ˇ hk'e le^ˇ a na₋ ma^ˇ
keu^ˆ tu_˘, sha₋ ti_ˆ ta₋ tu_˘, hpu aw_˘ hk'a^ˇ suh
ti⁻ ma^ˇ g'a g'a_ˆ tu_˘, shu pi-aw₋ ve hk'e ma^ˇ
g'a pi-aw₋ tu_˘ sha₋ ti_ˆ pi^ˇ ve ce^ˇ.

Hpu g'a ve hk'e hk'a deh_ˆ ha_ˆ sha⁻ leh
aw_˘ hk'aw_ˆ naw⁻ hpaw^ˇ aw_˘ pa aw_˘ e hta_ˆ
hk'a deh_ˆ feu tu_˘ sha₋ ti_ˆ pi^ˇ ja^ˇ ce^ˇ.

Ya^ˇ neh_ˇ hui ka_ˆ Na hti^ˇ hta_ˆ , " Bon ui_ˉ ja^ˇ
a vi_ˉ Na hti^ˇ-o_ˇ cheh^ˇ sha la pi^ˇ " teh_ˆ aw_ˇ
g'a^ˇ pi^ˇ leh la_ˆ k'aw_ˉ ca_ˉ pi^ˇ ve ce^ˇ.

Ya^ˇ neh_ˇ hui shu mvuh^ˇ mi_ˇ lo kan_ˉ ca
te k'ai tu_ˇ gu hehn^ˇ cheh^ˇ pa_ˉ hui sha ti_ˆ g'a
ta_ˉ peu_ˇ ce^ˇ.

Naw_ˇ aw_ˇ to leu^ˆ yu_ˇ pui_ˉ tu_ˇ,
" Da_ˆ ve a sha_ˆ te_ˆ hk'a^ˇ aw_ˇ
hk'aw lo kan_ˉ co^ˇ ca^ˇ te ve " te^ˇ ceu_ˇ yo_ˇ.

